



MArius ob eruditionem & uite integritatem quartus Auenticorum Episcopus electus est, anno Christi 581. Itaq; in Concilio Matisconēsi præsens interfuit, atq; cū alijs subscripsit. Cum autē is intelligeret Losannensem tractum ad lacū Lenannū respicientem multò cōmodiorem et amœnorē, suam Ecclesiā eò trāstulit, atq; se Losannensem Episcopū dixit. Hinc factū, ut paulatim urbs illa circa Ecclesiā cœperit, & incrementa sumpserit. Aedificauit etiam templum & oppidū Peterlingen, & paterna bona ijs in locis huic Ecclesiæ dono dedit. Palonensem uerò Ecclesiā S. Sigoni cōmendauit. Eo tempore ijs in partibus Gonthra-

mus rex Burgūdiæ præerat, qui Mariū ob egregias uirtutes dilexit, & multis prædijs ac priuilegijs decorauit. Cum hoc modo per decem circiter annos Auenticorum, & per undecim annos Losannensis præsul extitisset, anno ætatis 64. obiit, & Losannæ sepultus fuit. Huius successores ordine recēsebimus.